

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომის

ოქმი №5

ქ. ლანჩხუთი

23.06.2022.

სხდომას ესწრებოდნენ: საფინანსო-საბიუჯეტო კომისიის თავმჯდომარე ალექსანდრე მახათაძე, კომისიის წევრები: ია მოქია, სპარტაკ კვაჭაძე, გიორგი ჩახვაძე და გიორგი გოგუაძე.

მოწვეული პირები: ლანჩხუთის მუნიციპალიტეტის მერის საფინანსო-საბიუჯეტო სამსახურის უფროსი როლანდ ლაშვია.

სხდომის თავმჯდომარემ, ალექსანდრე მახათაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვის შესახებ.

/მომხსენებელი: ა. მახათაძე/

2. სხვადასხვა

სხდომის თავმჯდომარემ, ალექსანდრე მახათაძემ კენჭი უყარა დღის წესრიგის პროექტს.

მომხრე-5, წინააღმდეგი-არცერთი.

დღის წესრიგის პირველი საკითხი „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი კომისიას გააცნო სხდომის თავმჯდომარემ, ალექსანდრე მახათაძემ. მან აღნიშნა, რომ საქართველოს მთავრობის 2021 წლის 16 აგვისტოს N1419 განკარგულებაში, საქართველოს მთავრობის 2022 წლის 27 აპრილის N754 განკარგულებით შესული ცვლილებებით ლანჩხუთის მუნიციპალიტეტს სოფელ ორაგვეში ტურისტული ინფრასტრუქტურის მოწყობა ადგილობრივი ბიზნესის სტიმულირების მიზნით (ტენდერის შედეგად) პროექტის ღირებულება შემცირდა 195627 ლარით და განისაზღვრა 1198888 ლარით, მათ შორის სახელმწიფო ბიუჯეტით 1186899 ლარი, ადგილობრივი ბიუჯეტით 11989 ლარი. შემცირდა ჩიბათის ადმინისტრაციულ ერთეულში კოლხეთის ეროვნულ პარკთან მისასვლელი გზის რეაბილიტაცია ტურისტული ინფრასტრუქტურის მოწყობა და ელექტროფიცირების პროექტი 167388 ლარით და განისაზღვრა 1488982 ლარით; მათ შორის სახელმწიფო ბიუჯეტით 1474092 ლარი და ადგილობრივი ბიუჯეტი 14890 ლარით.

როლანდ ლაშვიამ გააკეთა განმარტება და აღნიშნა, რომ სოფელ ორაგვეში ტურისტული ინფრასტრუქტურის მოწყობა ადგილობრივი ბიზნესისა და ტურიზმის განვითარებისათვის (გადმოსახედი, ზიპლაინის, საფეხმავლო და ველოსპორტის ბილიკების, გამოქვაბულის მიმდებარედ ტურისტული ინფრასტრუქტურის მოწყობა) გამოიყო 1797277 ლარი. მათ შორის, სახელმწიფო ბიუჯეტით 1779304 ლარი, ადგილობრივი ბიუჯეტით 17973 ლარი.

საქართველოს მთავრობის მიმდინარე წლის 17 იანვრის N75 განკარგულებაში, საქართველოს მთავრობის 6 მაისის N787 განკარგულებით შესული ცვლილებით ქ. ლანჩხუთში დუმბაძის, წმ. ნინოს,

წულაძის, გოგიჩაიშვილის, მარჯანიშვილის, გვარჯალაძის, კუპრეიშვილის შესახვევის და ჭავჭაძის ქუჩების რეაბილიტაციაზე გამოყოფილი თანხა (ტენდერის შედეგების გათვალისწინებით) შემცირდა 91250 ლარით და განისაზღვრა 2499995 ლარით. მათ შორის, სახელმწიფო ფონდით 2374994 ლარი, ადგილობრივი ბიუჯეტით 125001 ლარი. ქალაქ ლანჩხუთში მრავალბინიანი სახლის სახურავს რეაბილიტაციაზე გამოიყო 145777 ლარი, აქედან სახელმწიფო ბიუჯეტით 138488 ლარი, ადგილობრივი ბიუჯეტით 7289 ლარი, ადგილობრივი ბიუჯეტიდან მრავალბინიანი სახლის სახურავის რეაბილიტაციაზე დამატებით ადგილობრივი ბიუჯეტიდან დამატებით მიიმართება 18000 ლარი, სულ პროექტის ღირებულება განისაზღვრა 163777 ლარი.

საქართველოს მთავრობის 2022 წლის 26 იანვრის N131 განკარგულებაში საქართველოს მთავრობის მიმდინარე წლის 6 მაისის N786 განკარგულებით შესული ცვლილებით, ლანჩხუთის მუნიციპალიტეტს სტიქიური მოვლენების შედეგების სალიკვიდაციი ღონისმიერების განხორციელების მიზნით გამოიყო 500000 ლარი და მიიმართება დანართი N1 შესაბამისად.

საქართველოს მთავრობის 2022 წლის 14 იანვრის N51 განკარგულების საფუძველზე საჯარო სკოლების მოსწავლეთა ტრანსპორტირებით უზრუნველყოფა გამოყოფილი ლიმიტის გათვალისწინებით დაფინანსება გაიზარდოს 242798,12 ლარით, საჯარო სკოლების რეაბილიტაციაზე მიიმართოს 195254 ლარი; მათ შორის (საქართველოს მთავრობის N13, N27, N147 განკარგულებით) ნაშთის ხარჯზე 162734,15 ლარით და N51 განკარგულებით გამოყოფილი 32519,85 ლარი. (ხაჯალის საჯარო სკოლის სახურავის რეაბილიტაცია და ნიგიოთის საჯარო სკოლის სპორტული დარბაზის სახურავის რეაბილიტაცია) სივრცითი მოწყობისა და ინფრასტრუქტურის სამსახურის წინადადების განხილვის შედეგად მიზანშეწონილად ჩაითვალა სუფსის ადმინისტრაციულ ერთეულში სოფელ გრიგოლეთში სანაპირო ზოლზე ორი ერთეული სათვალთვალო კოშკურის მოსაწყობად გამოიყოს 75408 ლარი. ასევე აკეთის ადმინისტრაციულ ერთეულში ზიდის რეაბილიტაციისათვის გამოიყო 17000 ლარი. აღნიშნული ხარჯების დაფინანსება განხორციელდეს კაპიტალური გრანტით (საქართველოს მთავრობის 2021 წლის 27 დეკემბრის N2374 განკარგულებით) 92408 ლარის ფარგლებში.

მან ასევე აღნიშნა, რომ ბიუჯეტის ხარჯვითი ნაწილის ანალიზის შედეგების გათვალისწინებით მიზანშეწონილია მუნიციპალიტეტის მერიის სოციალური უზრუნველყოფის მუხლის დაფინანსება გაიზარდოს 11500 ლარით. მუნიციპალიტეტის მერიის წარმომადგენლობითი ხარჯი გაიზარდოს 8500 ლარით. სუბსიდიის მუხლის 5000 ლარის შემცირების ხარჯზე გაიზარდოს საქონელი და მომსახურების მუხლი 5000 ლარით. ქალაქის შემოსასვლელის კეთილმოწყობისათვის გამოიყოს 22000 ლარით.

განათლების ღონისძიების ხელშეწყობისათვის მიზანშეწონილია დამტკიცებული ასიგნების ფარგლებში საქონელი და მომსახურების 1040 ლარით და სხვა ხარჯების მუხლის 7208 ლარის შემცირების ხარჯზე უნდა გაიზარდოს სუფსიდიის მუხლი 8248 ლარით.

ა(ა)იპ ლანჩხუთის მუნიციპალიტეტის სკოლამდელი საგანმანათლებლო სააღმზრდელო ცენტრის წინადადების განხილვის შედეგად მიზანშეწონილია დამტკიცებული ასიგნების ფარგლებში საქონელი და მომსახურების მუხლის 65000 ლარით შემცირების ხარჯზე 65000 ლარით გაიზარდოს არაფინანსური აქტივების მუხლი.

ა(ა)იპ ლანჩხუთის მუნიციპალიტეტის კულტურის დაწესებულებათა გაერთიანების საქონელი და მომსახურების მუხლის 10000 ლარის შემცირების ხარჯზე გაიზარდოს არაფინანსური აქტივების მუხლი 10000 ლარით.

ა(ა)იპ ლანჩხუთის მუნიციპალიტეტის სპორტული ცენტრის საქონელი და მომსახურების მუხლის 9000 ლარით შემცირების ხარჯზე გაიზარდოს სხვა ხარჯების მუხლი 9000 ლარით.

ა(ა)იპ ლანჩხუთის მუნიციპალიტეტის კეთილმოწყობისა და მომსახურების სამსახურის (ორგ.კოდი 02 07) მუნიციპალური ტრანსპორტის განვითარება ტრანსპორტის ხარჯი გაეზარდოს 4000 ლარით. წყლის სისტემის ექსპლოატაციის (ორგ.კოდი 02 02 02) შრომის ანაზღაურების მუხლი გაეზარდოს 12000 ლარით და შტატგარეშე მომუშავეთა ანაზღაურება 20000 ლარით. დასუფთავებისა და ნარჩენების გატანა (ორგ.კოდი 03 01) შტატგარეშე მოსამსახურეთა ანაზღაურება გაიზარდოს 72500 ლარით. გარე განათების ქსელის ექსპლოატაციის (ორგ. კოდი 02 03 01 01) შტატგარეშე მოსამსახურეთა ანაზღაურება გაიზარდოს

11500 ლარით. მწვანე ნარგავების მოვლა პატრონობა და განვითარება (ორგ.კოდი 03 02) შტატგარეშე მოსამსახურეთა ანაზღაურება გაიზარდოს 10000 ლარით.

ა(ა)იპ ლანჩხუთის მუნიციპალიტეტის კეთილმოწყობისა და მომსახურების ცენტრის წერილის საფუძველზე მუნიციპალური ტრანსპორტის განვითარების (ორგ.კოდი 02 07) შრომის ანაზღაურების მუხლი შემცირდეს 14080 ლარით და გაიზარდოს საქონელი და მომსახურების მუხლი 14080 ლარით. დასუფთავება და ნარჩენების გატანის (ორგ.კოდი 03 01) შრომის ანაზღაურების მუხლის 100000 ლარის შემცირების ხარჯზე გაიზარდოს საქონელი და მომსახურების მუხლი 94000 ლარით, არაფინანსური აქტივები 6000 ლარით. სასაფლაოს მოვლა პატრონობის ხარჯი (ორგ.კოდი 02 06 05) შრომის ანაზღაურების მუხლი შემცირდეს 18800 ლარით და შტატგარეშე მოსამსახურეთა მუხლი 43614 ლარით. გარე განათების ქსელის ექსპლოატაციის (ორგ.კოდი 02 03 01 01) შრომის ანაზღაურების მუხლი შემცირდეს 12040 ლარით და გაიზარდოს საქონელი და მომსახურების მუხლი 12040 ლარით. მწვანე ნარგავების მოვლა პატრონობა განვითარების (ორგ.კოდი 03 02) შრომის ანაზღაურების მუხლის 12000 ლარით შემცირების ხარჯზე გაიზარდოს საქონელი და მომსახურების მუხლის 74414 ლარით. წყლის სისტემის ექსპლოატაციის (ორგ.კოდი 02 02 02) საქონელი და მომსახურების მუხლის 3000 ლარით შემცირების ხარჯზე გაიზარდოს არაფინანსური აქტივების მუხლი 3000 ლარით. შპს ქალთა სპორტის განვითარების სუბსიდიირების მუხლი უნდა გაიზარდოს 25000 ლარით. სამკურნალო და საოპერაციო ხარჯების დახმარების პროგრამა უნდა გაიზარდოს 10000 ლარით. ბავშვთა ადრეული განვითარების, ხელშეწყობისა და ბავშვთა რეაბილიტაცია/აბილიტაციის ქვე/პროგრამით მოსარგებლე შშმ ბავშვების და მათი თანხმლები პირების ტრანსპორტირების დაფინანსების პროგრამა გაიზარდოს 10000 ლარით.

ზემოთ აღნიშნული ხარჯების დაფინანსება განხორციელდება თავისუფალი ნაშთის 154070 ლარის ოდენობით და შერეული და სხვა არაკლასიფიცირებული შემოსავლის გეგმის 98000 ლარით ზრდის ხარჯზე.

გიორგი გოგუაძემ აღნიშნა, რომ ძლიერი ქარის შედეგად თავისუფლების ქუჩაზე მდებარე შენობას (გურულების დუქანი) დაეცა ხე და დაზიანდა. მან დააყენა წინადადება, რომ მუნიციპალიტეტის მერიისგან გამოთხვოვილი იქნას ინფორმაცია იმის შესახებ, რომ მეპატრონისთვის ანაზღაურებული იქნა თუ არა ზარალი. მან ასევე აღნიშნა, რომ წარმოდგენილ საკითხში ა(ა)იპ ლანჩხუთის მუნიციპალიტეტის კეთილმოწყობისა და მომსახურების ცენტრის დაფინანსების გაზრდა ხდება 130000 ლარით. იგი დაინტერესდა, თუ რამ გამოიწვია დაფინანსების გაზრდა, კერძოდ, მოხდა ხელფასების მატება თუ ახალი თანამშრომლების დამატება. როლანდ ლაშეიამ განმარტა, რომ აღნიშნულ ა(ა)იპში არ მომხდარა ახალი თანამშრომლების დამატება, უბრალოდ მოწესრიგდა ხელფასები.

ია მოქაბა აღნიშნა, რომ სამკურნალო და საოპერაციო ხარჯების დახმარების პროგრამის გაზრდა 10000 ლარით გამოვწვეულია იმით, რომ „ქართული ოცნება დემოკრატიული საქართველოს“ ინიციატივით პროგრამაში შედის ცვლილება, კერძოდ პროგრამას დაემატება PET/KT კვლევის თანადაფინანსება დირექტულების 20%-ით. კვლევით ისარგებლებენ 0-იდან 130000 სარეიტინგო ქულის მეონე ბენეფიციარები.

ალექსანდრე მახათაძემ აღნიშნა, რომ მიესალმება აღნიშნულ ინიციატივას, მაგრამ პროგრამა არის დასახვერი იმ კუთხით, რომ თანადაფინანსება 20%-ის ნაცვლად უმჯობესია განისაზღვროს მინიმუმ 50%-ით, რასაც დაეთანხმა დეპუტატთა უმრავლესობა. მან ასევე დააყენა წინადადება და აღნიშნა, რომ საკრებულოს წარმომადგენლობით ხარჯში აუცილებელია გათვალისწინებული იქნას გარკვეული რაოდენობის თანხა, რასაც დაეთანხმა გიორგი ჩახვაძე.

გიორგი გოგუაძემ გამოთქვა უკამაყოფილება იმის თაობაზე, რომ ა(ა)იპ ეკონომიკური განვითარებისა და ინოვაციების ცენტრის ბიუჯეტში არ არის გათვალისწინებული მივლინების ხარჯი და თანამშრომლებს უწევთ საკუთარი ხარჯებით გადაადგილება სხვადასხვა ღონისძიებებზე. შესაბამისად აუცილებელია აღნიშნული ა(ა)იპის ბიუჯეტში გათვალისწინებული იქნას სამივლინებო ხარჯი. მან ასევე აღნიშნა, რომ მიზანშეწონილია მუნიციპალიტეტის მიერ მოხდეს საოჯახო ტიპის სასტუმროების აღრიცხვა და მათი რეკლამირება-პოპულარიზაცია.

წარმოდგენილ დადგენილების პროექტთან დაკავშირებით კომისიის წევრების მიერ სხვა შენიშვნები არ გამოთქმულა.

სხდომის თავმჯდომარემ, ალექსანდრე მახათაძემ კენჭი უყარა წარმოდგენილ დადგენილების პროექტს.

მომხრე-5, წინააღმდეგი-არცერთი.

კომისიამ მიიღო გადაწყვეტილება:

დღის წესრიგის პირველი საკითხი „ლანჩბუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩბუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩბუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

სხვადასხვა

- ია მოქამ აღნიშნა, რომ უხვი ნალექის გამო სუფსის ადმინისტრაციულ ერთეულში დაიტბორა გზები, საცხოვრებელი სახლები და ეზოები. მართალია მუნიციპალიტეტის მერის მიერ ყოველწლიურად ხდება სანიაღვრე არხების მოწყობა, მაგრამ ეს არ არის საკმარისი. მან ითხოვა დეპუტატებისგან თანადგომა.
- ალექსანდრე მახათაძემ აღნიშნა,. რომ სოფელ ბალლეფში მცხოვრებ ზურაბ გიგინეიშვილის ეზოში შემავალი ხიდი გასული წლის სტიქიის შედეგად დაზიანდა. აღნიშნული მოქალაქე ვერ ახერხებს საკუთარ ეზოში შესვლას სატრანსპორტო საშუალებით. თუ აღნიშნული პრობლემა დროულად არ იქნება მოგვარებული, მოქალაქე და მისი ოჯახის წევრები ფეხითაც ვერ შეძლებენ საცხოვრებელ სახლში შესვლას.
- გიორგი გოგუაძემ აღნიშნა, რომ სოფელ გრიგოლეთში, მდინარე ლაშთანთან გაკეთდა წყლის საწრეტი კოლექტორი. აღნიშნული სამუშაოების შესრულების შემდეგ მიმდებარე ტერიტორია არის საშინლად მოუწესრიგებელი. მან მიმართა სუფსის მაჟორიტარ დეპუტატს, რომ მიიღოს გარკვეული ზომები, რომ მოხდეს ტერიტორიის მოწესრიგება. მან ასევე მოითხოვა საფინანსო-საბიუჯეტო კომისიის სხდომის ოქმები, რომელმიც განხილული იყო 2018-2019 წლების სახელმწიფო აუდიტის დასკვნა. ასევე გამოთქვა უკმაყოფილება იმის შესახებ, რომ აღნიშნული დასკვნა არ განხილულა საკრებულოს სხდომაზე.
- გიორგი გოგუაძემ აღნიშნა, რომ ქალაქის ცენტრში მიმდინარეობს ცენტრალური პარკის მოწყობა, რის გამოც შეუძლებელია წვიმის დროს გადაადგილება. მან მოითხოვა, რომ ზედამხედველობის სამსახურმა მოახდინოს აღნიშნულ ფაქტზე რეაგირება.

ამით კომისიის სხდომამ მუშაობა დაასრულა.

საფინანსო-საბიუჯეტო

კომისიის თავმჯდომარე:

ალექსანდრე მახათაძე

ქ. ლანჩხუთი

23.06.2022 წელი

ლანჩხუთის მუნიციპალიტეტის საკრებულოს

საფინანსო-საბიუჯეტო კომისიის დასკვნა №5

2022 წლის 23 ივნისს ჩატარებულ იქნა ლანჩხუთის მუნიციპალიტეტის საკრებულოს საფინანსო-საბიუჯეტო კომისიის სხდომა.

სხდომამ განიხილა დღის წესრიგით გათვალისწინებული შემდეგი საკითხი:

1. „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტის განხილვის შესახებ.

კომისიამ მიიღო გადაწყვეტილება:

დღის წესრიგის პირველი საკითხი „ლანჩხუთის მუნიციპალიტეტის 2022 წლის ბიუჯეტის დამტკიცების შესახებ“ ლანჩხუთის მუნიციპალიტეტის საკრებულოს 2021 წლის 25 ნოემბრის N26 დადგენილებაში ცვლილების შეტანის თაობაზე“ ლანჩხუთის მუნიციპალიტეტის საკრებულოს დადგენილების პროექტი მიღებულ იქნა შენიშვნების გარეშე.

საფინანსო-საბიუჯეტო

კომისიის თავმჯდომარე:

ალექსანდრე მახათაძე

ლანჩხუთის მუნიციპალიტეტის საკრებულოს საფინანსო-საბიუჯეტო კომისიის
წევრთა დასწრების სარეგისტრაციო ფურცელი

23.06.2022 წელი
11:00 საათი

	სახელი, გვარი	გამოცხადების დრო	ხელმოწერა
1	ალექსანდრე მახათაძე	10 : 50	
2	ია მოქია	10 : 50	
3	გიორგი ჩახვაძე	10 : 55	
4	სპარტაკ კვაჭაძე	10-53	
5	კახა თედორაძე	ა. 11:00 სასტაცია	
6	ვლადიმერ ნანაძე	ა. 11:00 სასტაცია	
7	გიორგი გოგუაძე	11 : 00	
8	ჯუმბერ ბლაგიძე	ა. 11:00 სასტაცია	